



ՀԱՄԱՌՈՏ ԺԱՄԱՆԱԿԱԳՐՈՒԹՅՈՒՆ
ՀԱՆԳՈՒՅՅԱԼ ՎԱԶԳԵՆ Ա. ԿԱԹՈՂԻԿՈՍԻ
ԿՅԱՆՔԻ ԵՎ ԳՈՐԾՈՒՆԵՈՒԹՅԱՆ

1908

ՍԵՊՏԵՄԲԵՐԻ 20.—Բուխարեստում (Ռումինիա), արհեստավորի ընտանիքում, ծնվեց Կարապետ Աբրահամի Պալճյանը (հետագայում՝ Կաթողիկոս Ամենայն Հայոց Տ. Տ. Վազգեն Ա)։ Հայրը՝ Աբրահամ Կարապետի Պալճյան, մասնագիտությամբ կոշկակար, մայրը՝ Սիրանուշ Մարգարի Պալճյան (մինչև ամուսնությունը՝ Մարգարյան), ուսուցչուհի։

ՍԵՊՏԵՄԲԵՐ 23.—Բուխարեստի «Սուրբ Հրեշտակապետք» հայկական եկեղեցում, Հարություն քահանա Սարգսյանի ձեռքով, կատարվում է Կարապետ Պալճյանի մկրտությունը։ Մկրտվողին տրվում է նաև երկրորդ՝ «Լևոն» անունը։

1916

ԶՄԵՐ.—Առաջին համաշխարհային պատերազմի հետևանքով, Պալճյանների ընտանիքը, թողնելով Բուխարեստը, հաստատվում է Օդեսայում, մինչև 1919 թ. գարունը։

1920

ՍԵՊՏԵՄԲԵՐ.—Կարապետ Պալճյանը ընդունվում է Բուխարեստի գերմանական «Էվանգելիշե շուլե» (Evangelische Schule) դպրոցի նախակրթարանի չորրորդ դասարանը, որտեղ սովորում է չորս տարի։

1922

Գործուն մասնակցություն է ունենում «Հայ Մարմնակրթական Ընդհանուր Միության» («Հ. Մ. Ը. Մ.»), սկսում է կազմակերպության և այլ մշակութային կազմակերպությունների աշխատանքներին, մինչև 1936 թվականը:

1924

ՍԵՊՏԵՄԲԵՐ.—Սկսում է հաճախել Բուխարեստի «Առևտրական բարձրագույն վարժարանը»: Ուսումնառությունը տևում է չորս տարի:

1932

ՍԵՊՏԵՄԲԵՐ.—Ուսանող՝ Բուխարեստի Պետական համալսարանի գրականության և փիլիսոփայության ֆակուլտետում: Համալսարանն ավարտում է 1936 թ.:

1937

ՀՈՒՆԻՍ.—Բուխարեստում Լևոն-Կարապետ Պալճյանի խմբագրությամբ հրատարակվում է «Հերկ» մշակութային և հասարակական ամսագիրը: Տասներկու համար հրատարակվելուց հետո, 1938 թ. մայիսին այն դադարում է:

1940

Բուխարեստում հրատարակվում է Կարապետ Պալճյանի «Մուսա լեռան հայերը Ֆրանց Վերֆելի վեպին մեջ (վերլուծական փորձ)» ուսումնասիրությունը: 62 էջ:

1943

ՍԵՊՏԵՄԲԵՐԻ 20.—Ընկերակցությամբ Բուխարեստի Հայոց Եկեղեցու ավագերեց Տ. Իգնատիոս Բիլիմյանի, ուղևորվում է Աթենք՝ հոգևորական կոչում ստանալու համար:

ՍԵՊՏԵՄԲԵՐ 29—30-ին Աթենքի Սուրբ Կարապետ եկեղեցում ձեռնադրվում է կուսակրոն քահանա՝ վերանվանվելով ՏԵՐ ՎԱԶԳԵՆ:

ՆՈՅԵՄԲԵՐԻ 28.—Ընտրվում է թեմի առաջնորդական տեղապահ: ԴԵԿՏԵՄԲԵՐԻ 21-ին ընտրությունը վավերացվում է Ռումինիայի կառավարության կողմից:

1945

ՀՈՒՆԻՍԻ 6.—Առաջին այցելությունը Հայաստան՝ որպես թեմի պատվիրակության ղեկավար՝ Տ. Տ. Գեորգ Կաթողիկոս Չորեքչյանի ընտրության առթիվ: Վերադարձ՝ հուլիսի 5-ին:

1948

ՄԱՅԻՍԻ 20.—Այցելություն Հայաստան:

ՄԱՅԻՍԻ 23-ին Մայր տաճարում ծալրագույն վարդապետության տասը աստիճանների տվչություն՝ ձեռամբ Կաթողիկոս Տ. Տ. Գեորգ Չորեքչյանի: Վերադարձ՝ հուլիսի 6-ին:


1923 p.



Լևոն-Կարապետ 7 տարեկանը.
1915 p. Բուխարստ



Լևոն-Կարապետը սկսում.
1922 p. Բուխարստ



Արթուր-Սիրանուշ Պալեյանը ընտանիքը, Վեյտհայմեր.
Լևոն-Կարապետը. 1937 p. Բուխարստ





Պալեոստանի 1931 թ. աշակերտների և ուսուցիչների խումբը

ՀՈՒԼԻՍԻ 25.—Ռումինահայ թեմական պատգամավորական ժողովը միաձայնությամբ Վազգեն ծայրագույն վարդապետ Պալճյանին ընտրում է թեմի առաջնորդ: Ռումինիայի կառավարությունն ընտրությունը վավերացնում է նոյեմբերի 27-ին:

1951

ՄԱՅԻՍԻ 20.—Այցելություն Մայր Հայրենիք: ՀՈՒԼԻՍԻ 8-ին Մայր տաճարում, ձեռամբ Ամենայն Հայոց Կաթողիկոս Գեորգ Զ Զորեքչյանի, կատարվում է Վազգեն ծայրագույն վարդապետի եպիսկոպոսական ձեռնադրությունը: Վերադարձ՝ օգոստոսի 8-ին:

1954

ՄԱՅԻՍԻ 9.—Մայր Աթոռ Սուրբ Էջմիածնում վախճանվում է Ամենայն Հայոց Կաթողիկոս Ս. Տ. Գեորգ Զ Զորեքչյանը:

1955

ՍԵՊՏԵՄԲԵՐԻ 30.—Ազգային եկեղեցական ժողովի երկրորդ նիստում, քվեից բացահայտ առավելությամբ, Ս. Վազգեն եպիսկոպոս Պալճյանը ընտրվում է Ամենայն Հայոց Կաթողիկոս:

ՀՈԿՏԵՄԲԵՐ.—Ռումինական «Օրթոդոքսիա» ամսագիրը հրատարակում է Վազգեն Կաթողիկոս Պալճյանի «Սուրբ Գրիգոր Նարեկացու կյանքն ու գործը» ռումիներեն ռսումնասիրությունը և «Մատյան ողբերգության» պոեմի վեց գլուխների՝ գրաբարից կատարված ռումիներեն թարգմանությունը: Ռսումնասիրությունը արևելահայերեն թարգմանությամբ (թարգմ. Ս. Ժամկոչյան)՝ «Գալիքի տեսիլքով» ժողովածուում (Էջմիածին, 1988, էջ 191—209):

ԴԵԿՏԵՄԲԵՐԻ 1.—Ամենայն Հայոց Կաթողիկոս Ս. Տ. Վազգեն Ա-ի անդրանիկ կոնդակը համազգային-եկեղեցական վերակառուցում սկսելու և հոգևոր-մշակութային կյանքին զարկ տալու մասին:

1956

ՓԵՏՐՎԱՐԻ 1.—Ուղևորություն արտասահման, մասնակցելու Մեծի Տանն Կիլիկիո Կաթողիկոսի ընտրությանն ու օծմանը: Վերադարձին, ՄԱՅԻՍԻ 12-ին Մոսկվայում, վաթսուն րոպե տևող պաշտոնական ընդունելություն խՍՀՄ Մինիստրների խորհրդի նախագահ Ն. Ա. Բուլգանինի մոտ: Ժամանում Մայր Աթոռ՝ մայիսի 19-ին:

1957

ՀՈՒՆՎԱՐԻ 14.—Ս. Տ. Վազգեն Ա Կաթողիկոսի հայրապետական կոնդակը «Համայն հայ հոգևորականության»: Նշում է այն արժանիքներն ու ներքին նկարագրի դրսևորման սկզբունքները, որով պետք է օժտված լինեն Հայ Եկեղեցու սպասավորները:

1960

ՄԱՅԻՍԻ 20.—Հայրապետական ուղևորություն Հյուսիսային և Հարավային Ամերիկա, ապա՝ Ֆրանսիա: Վերադարձ՝ հոկտեմբերի 3-ին:

1961

ՕԳՈՍՏՈՍԻ 25.—Հայրապետական կոնդակ հալ գրերի ստեղծող և հալ գրականության սկզբնավորող Մեսրոպ Մաշտոցի ծննդյան 1500-ամյակի առթիվ:

1962

ՄԱՐՏԻ 12.—Տ. Տ. Վազգեն Ա Կաթողիկոսի հայրապետական կոնդակը Տ. Տ. Գարեգին Ա Կաթողիկոս Հովսեփյանի մահվան տասներորդ տարեկիցի առթիվ: Դրվատված է «տիպար հոգևորականը», նրա գործունեությունն ու գրական վաստակը, տրված են հրահանգներ տարեկիցը ըստ արժանվույն նշելու մասին:

1963

ՀՈԿՏԵՄԲԵՐԻ 2.—Հովվապետական արցելություն Երուսաղեմի հայոց պատրիարքությանը, Լոնդոնի, Եգիպտոսի, Հնդկաստանի հայոց թեմերին: Վերադարձ Մայր Աթոռ՝ դեկտեմբերի 26-ին:

1965

ԱՊՐԻԼԻ 24.—Ամենայն Հայոց Կաթողիկոս Տ. Տ. Վազգեն Ա-ի «Խոսք աղոթքի և ուխտի» խորագիրը կրող ուղեորը Ապրիլյան եղեռնի հիսնամյա սգատոնի առթիվ:

ՍԵՊՏԵՄԲԵՐ—Ամենայն Հայոց Կաթողիկոս Տ. Տ. Վազգեն Ա-ի շնորհավորական նամակը Երևանում նոր հրատարակվելիք «Հայրենիքի ձայն» շաբաթաթերթին: Բնութագրելով նրա դերը Սփյուռք-Հայրենիք կապերի ամրապնդման գործում, բարեմաղթվում է «լիակատար հաջողություն»:

ՀՈԿՏԵՄԲԵՐԻ 31.—Հավարտ պատարագի Ապրիլյան եղեռնի նահատակների հուշարձանի բացումը Մայր Աթոռում:

1968

ՄԱՅԻՍԻ 26.—Հայրապետական կոնդակ Սարդարապատի ճակատամարտի հիսնամյակի առթիվ:

ՀՈԿՏԵՄԲԵՐԻ 9.—Հայրապետական ուղեոր՝ «Օրհնություն Սուրբ Էջմիածնից» խորագրով քաղաքամայր Երևանի 2750-ամյակի առթիվ:

1969

ՕԳՈՍՏՈՍԻ 30.—Տ. Տ. Վազգեն Ա Կաթողիկոսի ողջույնի գիրը Մայր Աթոռ Սուրբ Էջմիածնից Լոս Անջելես՝ ազգային հերոս Սողոմոն Թեհլերյանի հուշարձանի բացման առթիվ:



Վեհափառ Սարյանի հետ



Վեհափառ Վարպետի հետ



Տ. Տ. ՊԼՈՐԳ Զ Կաթողիկոսը Էջմիածնի Մայր տաճարում օծում է
Վազգեն Եպիսկոպոսի նակատը. 8 հուլիս 1951 թ.

1970

ՄԱՅԻՍԻ 3.— Ուղևորություն Հոռո՝ հանդիսվելու Նորին Սրբություն Պողոս Զ Պապի հետ: ՄԱՅԻՍԻ 12-ին երկու քահանայապետների «Համաստեղ հայտարարության» ստորագրությունը՝ նվիրված խաղաղության պաշտպանությանը: Վերադարձ՝ հունիսի 20-ին:

1971

ՀՈՒՆԻՍԻ 18.— Հայրապետական ցավակցական հեռագիր Երևան, Քանաստեղծ Պարույր Սևակի ողբերգական մահվան առթիվ: ՀՈՒՆԻՍԻ 4-ին Մայր տաճարում հոգեհանգստյան մասնավոր պաշտոն հանգուցյալի հիշատակին: Դամբանականով հանդես է գալիս Վեհափառը:

1975

ԱՊՐԻԼԻ 28.— Վեհափառ Հայրապետի տասներորդ ուղևորությունը Երտասահման: Վերադարձ Մայր Աթոռ՝ հուլիսի 8-ին:

1977

ՕԳՈՍՏՈՍԻ 29.— Հայրապետական կոնդակ Կ. Պոլսի հայոց Հովհաննես Կոլոտ (Բաղիշեցի) Պատրիարքի ծննդյան երեքհարյուրամյակի առթիվ: Պատրիարքի գործունեությունը դրվատաբար ներկայացնելուց հետո, տրվում են հրահանգներ՝ հոբելյանը հավուր պատշաճի նշելու համար:

1978

ՀՈԿՏԵՄԲԵՐ 3.— Ամենայն Հայոց Կաթողիկոս Տ. Տ. ՎԱԶԳԵՆ Ա-ի օրհնության խոսքը Էջմիածին քաղաքում կանգնեցված՝ 1827 թվականին Օշականի ճակատամարտում զոհված զինվորներին նվիրված հուշարձանի առջև:

1979

ԱՊՐԻԼԻ 14.— Ամենայն Հայոց Կաթողիկոս Տ. Տ. Վազգեն Ա-ի «Հայտարարությունը» Ա. Հռիփսիմե վանքի պարսպի տակ հայտնաբերված Հռիփսիմյանց նահատակված կույսերի աճյունների մասին: Գտածոն «մի նոր նյութական վկայություն է հայոց քրիստոնեական հավատքի պատմական վավերականության»:

ՀՈԿՏԵՄԲԵՐԻ 9.— Հայրապետական կոնդակ ֆրանսիահայ նկարիչ Գառգուին (Գառնիկ Հարությունի Զուլումյան) «Ա. Սահակ—Ա. Մեսրոպ» շքանշանով պարգևատրելու առթիվ: «Զեր անգուգական նկարչական արվեստը արգասիքն է հայկական ու ֆրանսիական մտածումի և զգայնությանց ստեղծարար ուժերու միատեղ ծաղկումին» («Էջմիածին»):

1981

ԱՊՐԻԼԻ 20.— Հովվապետական այցելություն Վիեննայի, Մյունխենի, Մայնի Ֆրանկֆուրտի և Փարիզի հայկական հոգևոր համայնքներին: Վերադարձ Մայր Աթոռ՝ հունիսի 2-ին:

1982

ՄԱՐՏԻ 15.— Հայրապետական ցավակցական գիր Մատենադարանի տնօրեն, ակադեմիկոս Լևոն Ստեփանի Խաչիկյանի մահվան առթիվ: «Իբրև հմուտ հայագետ, իբրև հայրենաշունչ գիտնական, իբրև առաքինի մարդ անկրկնելի էր հանգուցյալը:

ՍԵՊՏԵՄԲԵՐԻ 23.— Հայրապետական ցավակցական հեռագիր տիկին Անահիտ Հարությունյանին, ամուսնու՝ Խորհրդային Միության մարշալ Հովհաննես Բրիտափորի (Խաչատուրի) Բաղրամյանի մահվան առթիվ: «Հայ ժողովուրդը ի Հայաստան և ի Սփյուռն աշխարհի, հպարտ է մարշալ Բաղրամյանով»:

1983

ՍԵՊՏԵՄԲԵՐԻ 4.— Հայրապետական քարոզ Մայր տաճարում, պատարագ և հոգեհանգիստ՝ նվիրված բանասիրական գիտությունների դոկտոր, պրոֆեսոր Ասատուր Շմավոնի Մնացականյանի հիշատակին:

1984

ԱՊՐԻԼԻ 25.— Հովվապետական այցելություն Արգենտինայի, Բրազիլիայի, Ուրուգվայի և Ֆրանսիայի հայկական թեմերին: Վերադարձ Մայր Աթոռ՝ հունիսի 19-ին:

1986

ՄԱՅԻՍԻ 21.— Հայրապետական ցավակցական հեռագիր Մոսկվա, Ա. Ա. Գրոմիկային՝ Չերնոբիլի ատոմակայանում տեղի ունեցած վթարի առթիվ: Տեղեկացվում է, որ Մայր Աթոռը աղետյալների օգտին տրամադրել է հարյուր հիսուն հազար ռուբլի:

ՀՈՒԼԻՍԻ 14.— Տ. Տ. Վազգեն Ա Կաթողիկոսի նամակը ԱՄՆ-ի պրեզիդենտ Ռոնալդ Ռեյգանին, միջուկային պատերազմի արգելման, աշխարհում խաղաղ գոյակցությունը տևականորեն հաստատելու մասին:

1987

ՓԵՏՐՎԱՐԻ 10.— Հայրապետական ցավակցական հեռագիր Համայն Վրաստանի Պատրիարք-Կաթողիկոս Իլիա Բ-ին, Վրացական ԽՍՀ-ում պատահած տարերային աղետի առթիվ: Տեղեկացվում է, որ Մայր Աթոռը աղետյալներին օգնելու համար տրամադրել է հարյուր հազար ռուբլի:

1988

ՓԵՏՐՎԱՐԻ 25.— Հայրապետական հեռագիր ԽՄԿԿ Կենտկոմի գլխավոր քարտուղար Միխայիլ Գորբաչովին, Լեոնային Ղարաբաղի հարցի արդարացի լուծման մասին: Հեռագիրը մնում է անպատասխան:

ՄԱՐՏԻ 13.— Հանդիսավոր հոգեհանգիստ Մայր տաճարում, Սումգայիթի զոհերի հիշատակին: Ցավակցական խոսքով հանդես է գալիս Վեհափառ Հայրապետը:



ԱՄՆ-ի ցախագահ Ջորջ Բուշի հետ. 1989 թ. փետրվարի 9



1968 թ. Նյու Յորք. ՄԱԿ-ի գլխավոր բարտուղարի հետ



Մյուռոնօրհնէք. 1991 թ. սեպտեմբերի 29



Վեհափառի վերջին ֆարոգը

1989

ԴԵԿՏԵՄԲԵՐԻ 8.— Հայրապետական նամակ Մոսկվա ԽՍՀՄ Գերագույն խորհրդի նախագահության նախագահ Միխայիլ Գորբաչովին: Հույս է հայտնվում, որ «Լեռնային Ղարաբաղի հարցը կհանգի իր արդար լուծման»: Նամակը մնում է անպատասխան:

1991

ԱՊՐԻԼԻ 30.— Հայաստանի Հանրապետության Ազգային ակադեմիայի որոշումը Ամենայն Հայոց Կաթողիկոս Ս. Ս. Վազգեն Ա-ին Ակադեմիայի պատվավոր անդամ ընտրելու մասին: Վկայագրի պաշտոնական հանձնումը՝ հուլիսի 21-ին:

1992

ՄԱՅԻՍԻ 28.— Հայրապետական հրահանգ Հայ Առաքելական Եկեղեցու թեմակալ առաջնորդներին, «Հայաստան» համահայկական հիմնադրամի ստեղծման գործին իրենց գործոն մասնակցությունը բերելու մասին:

1994

ՀՈՒԼԻՍԻ 29.— Հայաստանի Հանրապետության նախագահի հրամանագիրը. Ազգային և հոգևոր արժեքների պահպանության ու զարգացման գործում դրսևորած անձնուրաց նվիրումի և մատուցած բացառիկ ծառայությունների համար Ամենայն Հայոց Կաթողիկոս Ս. Ս. Վազգեն Առաջինին «Հայաստանի ազգային հերոս» բարձրագույն կոչումը շնորհելու մասին:

ՕԳՈՍՏՈՍԻ 18.— (Ժամը 7-ն անց 15 րոպե) Երևանում, երկարատև ու ծանր հիվանդությունից հետո, վախճանվում է Ամենայն Հայոց Կաթողիկոս և Ծայրագույն Պատրիարք, Ն. Ս. Օ. Ս. Ս. Վազգեն Առաջինը: Թաղումը՝ օգոստոսի 28-ին, Մայր Աթոռ Սուրբ Էջմիածնում:

